

Communiqué vum Gesondheitsministère zu den Afepouken

Falschusso favoriséiert Stigmatiséierung vun homosexuelle Männer

Den 21. Mee 2022 huet de Gesondheitsministère e Communiqué erausginn, dee folgend Behauptung enthält:

"La transmission interhumaine [de la variole du singe] est rare, mais possible, surtout en cas de contact étroit, avec un risque plus élevé pour les personnes ayant des partenaires multiples et les hommes ayant des rapports sexuels avec les hommes." ¹

Dës Ausso ass faktuell falsch. Laut aktuellem Kenntnisstand ginn et folgend Infektiounsméiglechkeete bei den Afepouken: d'Tröpfcheninfektioun, direkte Kontakt mat de Pouken an Austausch vu Kierperflëssegkeeten. **Deemno besteet bei all sexuellem Kontakt mat enger infizierter Persoun de Risiko vun enger Ustiechung, onofhängeg vu Sexualitéit a Geschlecht.**

Déi falsch Ausso, dass de Risiko vun enger Ustiechung méi héich beim Sex ënner Männer ass, ass eng geféierlech Stigmatiséierung. **Net nëmmen entsteet de falschen Androck, dass just homosexuell Männer kënne betraff sinn, och entsti Ressentimeter géintiwuer alle Männer, déi net heterocisnormativ sinn.**

Sou besteet, zum Beispill, och haut nach eng staark Stigmatiséierung vun HIV/Aids als "Schwulenkrankeet". Aus dem Grond ass et wichteg esou Falschussoen direkt ze korrigéieren.

Mir fuerderen als jonk gréng, dass de Gesondheitsministère en neie Communiqué erausgëtt, mat enger Richtegstellung vun de Falschussoen.

Ausserdeem sollt de Gesondheitsministère an Zukunft méi nuancéiert, sensibiliséiert a recherchéiert kommunizéieren, soudass et net méi zu Aussoe kënnt, déi zu Ressentimeter géint en Deel vun der Bevëlkerung féiere kënnen.

¹ Communiqué du Ministère de la Santé, 21.05.2022

https://msan.gouvernement.lu/fr/actualites.gouvernement%2Bfr%2Bactualites%2Btoutes_actualites%2Bcommuniqués%2B2022%2B05-mai%2B21-variole-singe.html